

禹州志卷十六

經籍志

自班固采劉氏向歆所輯諸書為藝文志列史因之而後之為志者顧以采詩文之屬非其正也間亦有采書目者或繁或簡抑各有取焉舊志載書目失之太簡又不詳其本意今取隋書經籍志名為徵典策可考者并謹錄 四庫館臣所著提要於各條下其所未載亦自以意附著論撰不能詳也秦漢之間禹之藝文盛矣近世不乏稽古篤行之士舊志所載今已多不見其所存者可不為之綜覈與述經籍志

韓策三篇 存

禹州志

卷之十六

經籍志

一

漢書藝文志注

黃帝泰素二十篇 存

漢書藝文志六國時韓諸公子所作師古曰劉向別錄云或言韓諸公孫之所作也言陰陽五行以為黃帝之道也故曰

泰素宗文總目黃帝泰素二卷 新鄭縣志

按漢書藝文志所載黃帝著書凡二十餘種大概出於依託然皆無主名不可收采此書既言出於韓諸公子則當與韓非子同類故收之

杜文公五篇

漢書藝文志六國時韓人所作顏師古曰劉向別錄云杜文

公韓人也

呂氏春秋二十六卷

存

舊本題秦呂不韋撰考史記文信侯列傳實其賓客之所集也太史公自序又稱不韋遷蜀世傳呂覽考序意篇稱維秦八年歲在涪灘是時不韋未遷蜀故自高誘以下皆不用後說蓋史駁文耳漢書藝文志載呂氏春秋二十六篇今本凡十二紀八覽六論紀所統子目六十一覽所統子目六十三論所統子目三十六實一百六十篇漢志蓋舉其綱也其十二紀卽禮記之月令顧以十二月割爲十二篇每篇之後各間他文四篇惟夏令多言樂秋令多言兵似乎有義其餘則

禹州志

卷之十六

經籍志

二

絕不可曉先儒無說莫之詳矣又每紀皆附四篇而季冬紀獨五篇末一篇標識年月題曰序意爲十二紀之總論殆所謂紀者猶內篇而覽與論者爲外篇雜篇歟唐劉知幾作史通內外篇而自序一篇亦在內篇之末外篇之前蓋其例也不韋固小人而是書較諸子之言獨爲醇正大抵以儒爲主而參以道家墨家故多引六籍之文與孔子曾子之言其他如論音則引樂記論鑄劍則引考工記雖不著篇名而其文可案所引莊列之言皆不取其放誕恣肆者墨翟之言不取其非儒明鬼者而縱橫之術刑名之說一無及焉其持論頗爲不苟論者鄙其爲人因不甚重其書非公論也自漢以來

註者惟高誘一家訓詁簡質於引證顛舛之處如制樂篇稱成湯之時穀生於庭則據書序以駁之稱南子爲釐夫人則據論語左傳以駁之稱西門豹在魏襄王時則據魏世家孟子以駁之稱晉襄公伐陸渾稱楚成王慢晉文公則皆據左傳以駁之稱顏闔對魯莊公則據魯世家以駁之稱衛逐獻公立公子黜則據左傳衛世家以駁之皆不蹈註家附會之失然如稱魏文侯虜齊侯獻之天子傳無其事不知誘何以不糾其謂梅伯說鬼侯之女好妲己以爲不好因而見醜謂白乙丙孟明皆蹇叔子謂甯戚扣角所歌乃碩鼠之詩謂公孫龍爲魏人並不著所出亦不知其所何據又共伯得乎共

禹州志

卷之十六

經籍志

三

首及張毅單豹事均出莊子乃於共伯事則曰不知其出何書於張毅單豹事則引班固幽通賦竟未見漆園之書亦爲可異若其註五世之廟曰逸書則梅賾僞本尙未出引詩庶姜孽孽作轍轍鼉鼓逢逢作諝諝則經師異本均不足爲失也

四庫書提要

按朱彞尊經義考呂氏春秋編入擬經類中所收後賢議論尤夥文繁不備錄

申子六篇

存

史記申不害傳申子之學本於黃老而主刑名著書二篇號甲子注劉向別錄曰今民間所有上下二篇中書六篇皆合

二篇已倍過太史公所記元帝紀注劉向別錄云申子學號刑名刑名者以名責實尊君卑臣崇上抑下宣帝好觀其君臣篇唐志三卷崇文總目館閣書目皆缺荀子曰申子蔽於勢而不知知韓非子曰申不害徒術而無法公孫鞅徒法而無術淮南子商鞅之啟塞申子之三府七畧曰孝宣皇帝重申不害君臣篇使黃門郎張子喬正其字漢書藝文志考證六

韓子二十卷

存

周韓非撰漢書藝文志載韓子五十五篇張守節史記正義引阮孝緒七錄載韓子二十卷篇數卷數皆與今本相符惟王應麟漢藝文志考證作五十六篇殆傳寫字誤也其註不

禹州志

卷之十六

經籍志

四

知何人作考元至元三年何抃本稱舊有李瓚註鄙陋無取盡爲削去云云則註者當爲李瓚然瓚爲何代人抃未之言王應麟玉海已稱韓子註不知誰作諸書亦別無李瓚註韓子之文不知抃何所據也考史記非本傳稱非見韓削弱數以書諫韓王韓王不能用悲廉直不容於邪枉之臣觀往者得失之變故作孤憤五蠹內外儲說說林說難十餘萬言又云人或傳其書至秦秦王見其孤憤五蠹之書則非之著書當在未入秦前史記自叙所謂韓非囚秦說難孤憤者乃史家駁文不足爲據今書冠以初見秦次以存韓皆入秦後事雖似與史記自叙相符然傳稱韓王遣非使秦秦王悅之未

信用李斯姚賈害之下吏治非李斯使人遺之藥使自殺計其閒未必有暇著書且存韓一篇終以李斯駁非之議及斯上韓王書其事與文皆爲未畢徒以非所著書本各自爲篇非歿之後其徒收拾編次以成一帙故在韓在秦之作均爲收錄併其私記未完之稟亦收入書中名爲非撰實非非所手定也以其本出於非故仍題非名以著於錄焉

提要

張良序次兵法三十五家

佚

漢書藝文志曰漢興張良韓信序次兵法凡百八十二家刪取要用定著三十五家諸呂用事而盜取之按良所序次今不傳宋王氏應麟漢書藝文志考證引李靖之言曰張良所

禹州志

卷之十六

經籍志

五

學六韜三畧是也韓信所學穰苴孫武是也然大體不出三門四種而已

按舊志著作門列張良經一卷不詳何名亦不注所出豈以黃石公之三畧爲良所著與

至言

漢賈山著舊志采之今見名臣傳

幽憂子十卷

佚

唐盧照鄰撰唐詩人傳云照鄰病去官隱具茨山下手足攣廢乃著幽憂子十卷自以當高宗時尚吏已獨儒武后尙法已獨黃老后封嵩山聘賢士已已廢著五悲文今在集中嘗

自號幽憂子

按照鄰本屬流寓以寓居此地所著之書故附錄之其本集二十卷不錄下具茨漢同新鄭

縣志

按楊億談苑李夢陽崆峒子亦以此例

楊文公談苑八卷

存

晁氏曰皇朝宋庠編初楊公億里人黃鑑哀撰平生異聞爲一編庠取而刪類之分爲二十一門陳氏曰鑑書初名南陽談藪宋公刪其重複改曰談苑

文獻通考

按談苑提要未收入想或已散佚耶

唐史論斷三卷

存

宋孫甫撰甫字之翰陽翟人舉進士歷官右正言遷天章閣

禹州志

卷之十六

經籍志

六

待制河北轉運使兼侍讀事蹟具宋史本傳陳振孫書錄解題稱甫以劉煦唐書煩冗遺畧多失體法乃改用編年體創始於康定元年藏事於嘉祐元年勒成唐紀七十五卷其間善惡分明可爲龜鑑者各繫以論凡九十二篇甫歿後唐紀宣取畱禁中其從子察嘗錄副本遺司馬光世亦罕見惟論斷獨傳紹興二十七年嘗鋟版於劍州後蜀版不存端平乙未黃準復刻於東陽宋史藝文志作二卷文獻通考作十卷此本僅三卷蓋本從唐紀鈔出別行非其舊帙故卷數多寡隨意分合實無二本也前爲自序一篇末附司馬光跋歐陽修曾鞏所作墓誌行狀蘇軾答李廌書張敦頤後序皆推重

是書甚至朱子亦稱其議論勝唐鑑云

晁氏具茨集三卷

存

晁公武郡齋讀書後志云先君子詩集也呂本中以爲江西宗派曾慥亦稱公早受知於陳無已從兄以道嘗謂公家族中最才華喻汝礪序其詩云予嘗從叔用商近朝人物嘉言善行朝章國典禮文損益靡不貫洽由叔用之學而達諸廊廟溫厚足以代言淵博足以顧問則以詩鳴者是豈叔用之志也哉雖然叔用旣已油然棲志於林間曠遠之中遇事寫物形於屬興淵雅疏亮未嘗爲悽怨危憤之音予於是見叔用於消長用舍之際未嘗不安而樂之者也嗟乎所謂

禹州志

卷之十六

經籍志

七

舍章內奧而深於道者非耶秦漢以來士有抱奇懷能流落不遇往往躁心汗筆有怨誹沈抑之思氣候急刻不能閒遠古之詞人皆是也所以往往無所建立於天下惟深於道者遺於世而不怨發於詞而不怒君子是以知其必能有爲於世者也嗟乎吾於叔用豈直以詩人命之哉吳之振宋詩鈔傳云晁冲之字叔用初字用道舉進士與陵陽喻汝礪爲同門生少年豪華自放挾輕肥游帝京狎官妓李師師纏頭以千萬計酒船歌板寶從雜遝聲艷一時紹述初黨禍起羣從多在黨中被謫逐遂飄然棲遯於具茨之下號具茨先生十餘年後重過京師憶舊遊作無題詩二首爲時所傳時諸公

咸欲用之高揖不顧至疾革取平生所著曰是不足以成吾名悉焚之故其詩不多呂紫微位之江西派中云衆人學山谷叔用獨專杜詩然又云叔用嘗戲謂我詩非不如子只子差熟耳答云熟便是精妙處叔用大笑此亦紫微多上人語耳若其淵渟雅亮筆有餘閒未肯退下一格也劉後村稱其意度宏闊氣力寬餘一洗詩人窮餓酸辛之態南渡後惟放翁可以繼之其見許如此

提要

按宋詩鈔具茨集乃摘鈔之本提要明言沖之詩尙流傳人間而集部却不見收頗不可解

濟南集八卷

存

禹州志

卷之十六

經籍志

八

宋李廌撰廌事具文苑傳文獻通考載廌濟南集二十卷而當時又名日月巖集周紫芝太倉稊米集有書月巖集後一篇稱滑臺劉德秀借本於妙香寮始得見之則南渡之初已爲罕覯遂散佚不傳惟蘇門六君子文粹中載遺文一卷而已永樂大典修於明初其時原集尙存所收頗夥採掇編輯十尙得其四五蓋亦僅而得存矣廌才氣橫溢其文章條暢曲折辯而中理大畧與蘇軾相近故軾稱其筆墨瀾翻有飛沙走石之勢李之儀稱其如大江東注晝夜不息不至於海不止周紫芝亦云自非豪邁英傑之氣過人十倍其發爲文詞何以痛快若是蓋其兀鼻奔放誠所謂不羈之才馳於



秦觀張耒之間未遽步其後塵也史又稱其善論古今治亂嘗上忠諫書忠厚論又兵鑒二萬言今所存兵法奇正將才將心諸篇蓋卽所上兵鑒中之數首其議論奇偉尤多可取固與局促轅下者異焉案呂本中紫微詩話極稱廌贈汝州太守詩而今不見此首又其祭蘇軾文所云皇天后土鑒一生忠義之心名山大川還萬古英靈之氣者當時傳誦海內而亦不見其全篇則其詩文之湮沒者固已不少其幸而未佚者固尤足珍矣

提要

厲鶚宋詩紀事云李廌字方叔陽翟人少以文字見知於蘇軾元祐初軾知舉意在必得廌以魁多士及考章援程文以

禹州志

卷之十六

經籍志

九

爲廌無疑遂以爲魁旣拆號悵然出院廌竟無成而卒有濟南集

按廌爲陽翟人東都事畧亦同而陳振孫書錄解題獨畧曰華山李廌未詳所本

師友談記一卷

存

宋李廌撰是書記蘇軾范祖禹及黃庭堅秦觀晁說之張耒所談故曰師友其人皆元祐勝流而廌之學問文章亦足與相亞能解諸人之所談所載多名言格論非小說瑣錄之比其述秦觀論賦之語反覆數條曲盡工巧而終以爲場屋之賦不足重可謂不阿所好書中稱哲宗爲今上蓋作於元祐

中末記蘇軾爲兵部尚書及帥定州事軾到定州不久卽南還則是書之成又當在元祐諸人盡罹貶斥之後且以潦倒場屋之人於新經義盛行時曲附其說卽可以立致科第而獨載排斥笑謔之語不肖少遜窮視其所不爲亦可謂介然有守矣

提要

德隅齋畫品一卷

存

宋李廌撰廌字方叔陽翟人事蹟具宋史文苑傳廌少以文字見知於蘇軾後軾知舉廌乃不第竟偃蹇而卒是編所記名畫凡二十有二人各爲序述品題陳振孫書錄解題稱元符元年趙令時官襄陽行橐中諸畫方叔皆爲之品評蓋卽

禹州志

卷之十六

經籍志

十

此書惟德隅齋作德隅堂考鄧椿畫繼稱李方叔載德隅齋畫品云云則陳氏所記誤矣廌本善屬文故其詞致皆雅令波瀾意趣一一妙中理解葉夢得石林詩話論寇國寶詩所謂從蘇黃門庭中來者惟寒龜出曝圖條中有頃在丞相尤公家見黃監一龜云云考元祐紹聖之間丞相未有尤姓者豈傳寫之譌耶

提要

澗上文入集二十卷

佚

晁氏曰陳恬字叔易堯叟裔孫也博學有高志不從選舉躬耕於陽翟與鮮于綽崔鷗齊名號陽城三上又與晁以道同卜居於嵩山大觀中召赴闕除校書郎以道寄詩戲之云處

士何人爲作牙暫攜猿鶴到京華故山巖壑應惆悵六六峯  
前只一家未幾致仕還山建炎初再召避地桂嶺卒年七十  
四秩朝奉郎直秘閣澗上丈人者其自號也詩句豪健嘗作  
古離別紀靖康之難一時傳誦之筆札清勁與人尺牘主皆  
藏弃以爲寶云 文獻通考

田承君集三卷 佚

大宗正丞陽翟田晝承君撰晝樞密況之姪也與鄒道鄉善  
鄒之貶晝曰願毋以此舉自滿士所當爲者未止此也 書錄  
解題

許洛兩都士大夫之淵藪黨論之興指爲許洛兩黨崔德符

禹州志

卷之十六

經籍志

十一

陳叔易皆戊戌生田承君李方叔皆己亥生並居潁昌陽翟  
時號戊巳四先生以爲許黨之魁故諸公皆坐廢之久 墨莊

漫錄

婆娑集三十卷 佚

右正言陽翟崔鷗德符撰鷗坐元符上書邪等廢於家治圃  
號婆娑靖康初召爲諫官力論馮澥之罪忽得孿疾不能行  
而卒無子其壻衛昂哀輯其遺文 書錄解題

崔鷗雍邱人徙陽翟元 中第進士元符末 書入邪等坐

廢三十年靖康初擢右正言以疾乞解官除直龍圖閣提舉

嵩山崇福宮卒自號婆娑先生有婆娑集 宋詩紀事

按河南通志婆娑園在郊縣西鷗居此

箕穎集二十卷

佚

穎昌曹組元寵撰組本與兄緯有聲太學亦能詩文而以滑稽下里之詞行於世得名良可惜也謝克家任伯雨爲集序其子勛跋其後畧見其出處蓋宣和三年始登第郊禮進祥光賦有旨換武階兼閣職詔中書召試仍給事殿中未幾而卒然集中有謝及第啟自序云早預諸生竟叨右列則未第之前已在西班牙未知何以也曾慥詩選云六舉不第宣和中招赴廷試賜第啟中所謂特舉孱弱許從俊造慥之言良是序跋不著其實爾

書錄解題

禹州志

卷之十六

經籍志

十一

按桐江詩話組字彥章後改元寵

松隱文集三十九卷

存

宋曹勛撰是集前載正統中大理寺正洪益中序稱爲勛十世孫參所藏朱彝尊亦嘗從其家借鈔迎鑾賦七篇謂勛之子姪保有此卷半千餘年勿失後復得文集錄之蓋止有家傳鈔本從未鋟板也其中第十四卷已全佚樓鑰攻媿集載有松隱集序亦闕不載又脫篇落句不一而足則亦蠹蝕斷爛之餘轉相傳寫幸而僅存矣勛嘗從徽宗北狩奉密詔南歸後又奉使至金迎宣仁太后故其詩文多可以考見時事詞采亦雅贍可觀情上呂頤浩書欲結劉豫以圖金則其計

太疏非惟於理不可卽於勢亦必不行矣洪邁夷堅志謂勛父元寵昔以紅窗迴曲著名今觀集中諸詩如獨不見楊花曲之類語多縟麗時有小詞香艷之遺似乎尙沿其家學然如乾道聖德頌之類亦未嘗不肅穆典重具有古音蓋亦如淮海一集諸體並具不可全謂之詩如詞也

提要

按宣仁太后爲英宗皇后高氏曹勛所迎則高宗母顯仁皇后韋氏也此誤

曹勛字功顯陽翟人宣和五年賜同進士出身紹興中僑居天台以韋太后北還迎鑾功官至昭信軍節度使孝宗朝加太尉開府儀同三司卒贈少保諡忠靖有松隱文集

宋詩紀事

禹州志

卷之十六

經籍志

十三

北狩見聞錄一卷

存

采曹勛撰勛字功顯陽翟人宣和五年進士南渡後官至昭信軍節度使事蹟具宋史本傳是編首題保信軍承宣使知閤門事兼客省四方館事臣曹勛編次蓋建炎二年七月初至南京時所上其始於靖康二年二月初七日則以徽宗之入金營惟勛及姜堯臣徐中立丁孚四人得在左右也所記北行之事皆與諸書相出入惟述密齋衣領御書及雙飛蛺蝶金環事則勛身自奉使較他書得自傳聞者節次最詳末附徽宗軼事四條亦當時所並上者紀事大都近實足以証北狩日記諸書之妄且與高宗繼統之事尤爲有關足資史

家考證 提要

梁園寓稟九卷

明王翰撰翰字時舉禹州人元季隱居中條山明初出爲周王櫛長史王素驕有異志翰屢諫弗納斷指佯狂去後王敗得不坐其事附見明史周王傳中後起爲翰林編修尋謫廉州教授夷獠亂城陷抗節死明史藝文志載所著有敝帚五卷梁園寓稟九卷敝帚集今未見此書卷數與明史合焦竑經籍志止稱寓稟二卷誤也焦志別載翰山林樵唱一卷今亦未見殆並佚歟翰始抗驕王終殉國難其立身具有本末發爲文章率具剛勁之氣故古體往往有質直語然自抒性

禹州志

卷之十六

經籍志

十四

情無元人穠纖之習七言古體聲調亦頗高朗朱彝尊明詩綜未錄翰詩當由未覩斯集今以其人而特存之亦 聖朝表章忠烈闡揚幽隱之意也 提要

按元季又有廬州王翰字用文著友石山人遺稟一卷洪武間辟書再至義不忘故國遂自引決見顧嗣立元詩選初集與此非一人又按明史地理志鈞州於萬歷三年改稱禹州王翰生當元末明初已稱禹州人當是從其後追書之耳然馬文升生當成化宏治之間却稱曰鈞州人此亦全書例不畫一處

自警編 明古朴著 未見

見所謂文集卽文升約齋詩集亦未收入未喻何故

東岡集 明徐永著 未見

東山集 嵩少漫稿 明張鯤著 未見

鳩鳴集 明李乘雲著 未見

宦遊集 明李凌雲著 未見

叔誠文集 明魏尙純著 未見

歷遊草 明連標著 未見

四書屑考 律筌 歷筌 易筌 兵筌 明王述古著 未見

夏衢集 明董九貢著 未見

含香集一册不分卷 存

禹州志 經籍志

卷之十六

十六

明山西參政董九貢撰九貢事蹟見宦蹟傳集中詩止近體  
蓋非全本矣後附文一卷多應酬之作

中岡集 明劉莪著 未見

巴人編 明董學益著 未見

聖鼻草 明王易著 未見

靖海錄 明劉調羹著 未見

大中解 佚

明陳經濟妻趙氏撰

趙淑人詩集 存

明陳經濟妻趙氏撰趙氏事見列女傳其詩集先已失傳康

熙中同邑劉玉威得鈔本於密歸以示州人相與釀金而刻之雖非其全然遺編墜冊尤可矜貴淑人晚年自號梅竹道人其絕命詩云自受君恩四十年肯將鸞誥染烽烟兒孫欲覓魂歸處梅月霏微竹影邊觀此卽淑人詩可知矣

酌古堂詩五卷

存

國朝劉湛撰湛事亦見耆碩傳其集卷首稱華亭沈荃選蓋荃嘗爲大梁道東南名士多在焉湛從之遊故其詩亦頗有吳越風氣自序三難謂邑無藏書地無吟侶家累困乏故不能工其自知亦審然禹州風氣多篤實行而鮮工詞章百餘年來湛爲稱首子玉威復能繼之皆篇帙繁富詞調清新鈞臺

禹州志

卷之十六

經籍志

十七

風雅固不得不推劉氏爲大宗矣

來嵩閣詩集十八卷補遺一卷

存

劉玉威撰玉威爲湛子事見文苑傳自卷一至十二分吳越嚴陵楚葵邱燕臺大梁嵩陽檜陽潁上龍山靈溝石梁展江十三游草卷十三至十七復以體分卷十八爲賦詞附焉玉威嘗從竇靜菴冉永先耿逸菴游逸菴稱其古似陶律似杜絕似李而惜其少道學氣謂作詩須以唐人聲調發宋人理致其言似不免拘迂之見云

亦政堂詩集四卷

存

余正華撰正華字君貞忠莊公爵子所謂節孝先生者也詩



皆近體蓋不全之本其子孫搜得而存之未附桐棺銘一首則以其父爵死事尸不得收葬而云然

一得錄一卷 存

李經世撰經世事見儒行傳經世受業上蔡張仲誠先生沐仲誠與夏峯友善其學亦復相同經世自序云虞廷一中孔門一貫一得之說蓋取諸此

尋樂集一卷 存

李經世撰其云尋樂者蓋本濂溪命二程以尋孔顏所樂何事而名書成於康熙中年

野吟集六卷 存

禹州志

卷之十六

經籍志

十八

馬淑著淑事迹見文苑傳是編按體分卷後卷附末詞意清潔爲詩家佳手

輞山讒語 未見

陳鳴臯著事見文苑傳

學宮輯畧六卷 存

余丙捷撰丙捷事見儒行傳載自孔子四配十二哲兩廡先賢先儒事迹及崇祀年月日又及崇聖殿五王配享先賢從祀先儒乾隆三十八年督學徐光文頒行豫中各學署

館課餘談四卷 存

余丙捷撰分談理談書談詩談文談教談學談古談偶八門

務取簡要與學宮輯畧同時頒行

閒得錄六卷

存

余珩撰丙捷長子珩事附見丙捷傳諸經四子各載數條而以性理附易家語小學附論語孝經末卷則史鑒武經及武備附參也

學鑑二十六卷

存

余珩撰丙捷次子事見儒行傳分原才審歧提要全力隨遇廣師六門其原才論天地人道及五行審歧一研儒學述東周聖賢至國朝諸儒二謹雜術三嚴異教提要論男女飲食取舍全力論誠敬知言行隨遇論出處富貴貧賤夷狄患

禹州志

卷之十六

經籍志

十九

難死生毀譽廣師論師道之重大旨極醇正

笙詩備覽一卷

存

余珩撰其言戒養絜白本務也間歌合樂雅音也首列高宗純皇帝補亡詩而前代之論辨詩歌節奏始終俱條列焉凡論義所由起論無辭論有辭與有聲無辭之非論亡詩之當補不當補論辨歷代補亡詩論列笙詩節奏並間歌合樂無筭

樂共六條

林署考典四卷

存

余珩撰其中辨正祀典精確處居多今志祠祀志多采其說而亦有時雜鄙俚辨其所不必辨者則囿於聞見之過與

柁心齋古文一册不分卷 存

余瑫撰大抵多講學家言雖不以脩辭爲主而大旨究爲正當

柁心齋詩鈔三集 存

余瑫撰分覽景讀古感事祝挽四類

通鑑綱目統論二十六卷 存

余昌楣撰丙捷三子其自序云進東周而抑強秦先漢王而後西楚黜吕后而繫代王以及嚴書弑於外服別河東於岐淮自謂竊取朱子帝蜀漢進河東之義其書論綱爲先論目次之折衷諸儒論斷又次於後所發明間有前人所未及而

禹州志

卷之十六 經籍志

二十

詞句尙有失於修飾處

景賢錄四卷 存

王聿脩撰聿脩事見儒行傳分勵志力學敦倫守身寡慾謹言與人應世理家出仕凡十編輯於潁南書院自序謂功業必得時得位乃可建而學問品行則人可自勉時聿脩年已八十餘矣

禹州紀年四卷 存

王聿脩撰載州事自黃帝以來逮於國朝凡邑之大事以年紀之聿脩曾入邵大業志局後以所載不詳乃創爲是編其序謂據經史子集擇其言之有證者然如少康中興紹舊

鑑紀事類聚之例

恒齋詩草四卷

存

余六師撰詩多任興而作無意求工蓋自白樂天而後邵堯夫以擊壤集體倡之故諸家有沿其派者

四聲便覽四卷歧韻備考二卷

存

余六師撰六師父文龍得其祖正華論韻遺草數頁屬六師輯而成之收字根佩文韻府畫數務遵字典分部較易檢查其歧韻義同者則本音列前義異者仍以韻先後爲序

農隙閒覽四卷

存

余五辰撰原書敬教勸學敦倫崇德理家涉世雜引本七門

禹州志

卷之十六

經籍志

二十一

其後五辰從子靖序謂分敬教敦倫涉世雜引四卷蓋後來所合并也

邵陽塵集四卷

存

徐源學撰源學字子淵一字愚齋其先邵陽人明世官禹因家焉乾隆二十九年拔貢生其書自天文地理歷代帝王經史雜錄以及周家廟制圖八陣圖無不備載故曰塵集又曰砌玉雖采取未能精粹要足爲博識之助其曰邵陽示不妄祖也

四書真詮晰義十卷順講六卷

存

王辛衢撰辛衢字履九州學生有學行設義塾於懷蘭洞

元洞州守邵大業重之其書撮衆家所述而綜括其槩以便初學

周前邨詩集一卷 存

周棟撰棟州學生員此冊得之周氏孀婦孫所藏五言頗有秀句可采孫夫名朴早卒當爲棟兄弟行也

大中管窺二卷 存

席樹庸撰樹庸字車服州學生員其書詁釋大義不求艱險而能得二書之意犁然有當於人心云

繹山家訓三卷 存

劉坦撰坦州學生員其書語意淺近而入理頗深蓋教戒之

禹州志

卷之十六

經籍志

二十二

詞無取文飾也卷末自記云以付其仲女女夢人謂云人言汝父書過於剛直細思之乃其真心所鼓正所長也所云雖不可知然亦頗爲有見

禹州山川考一卷 存

孫九同撰九同事見儒行傳其凡例云山川脈絡支派非親歷不能詳舊志沿襲舊聞有一山而名稱不一至二三見者有兩山合爲一山者至水之源流隨其盈縮而書之不特與山經諸書不合卽問之土人亦茫然九同躬爲考證窮巖絕壑無不親至又山川表例云山有位置水有源流仿山海經及水經先挈其綱乃徵諸書言山川者類記於下又折以已

意入按中叙山先幹後支支山或連數山叙支山畢重接幹  
山叙水於細流入經流者曰入細流幾與經流同者曰會昔  
有別名後合爲一者曰得其左右注者皆以方向別之凡紀  
山川自西而東遇交界於綱中提明或在兩縣界上則曰界  
某某與某縣分水未復計經幾地行若干以統紀之

方言一卷

存

孫九同撰禹近嵩岳地屬中方而鄉音里談雖百里有不同  
者密縣志有方音一卷九同因其同易其異補其所缺詳其  
所畧以爲一書

春秋傳說授讀十二卷

存

禹州志

卷之十六

經籍志

二十四

余靖撰靖事蹟見儒行傳其子家永識云未獲發凡起例而  
疾作遂卒述其言曰論語體也春秋用也能讀論語而後能  
知春秋之義又曰春秋爲經左傳爲緯又必折衷諸儒然後  
能得其要領云

存齋偶錄不分卷

存

余靖撰凡二冊其上册爲格物辨古本大學辨辨晚年定論  
王學辨大旨宗當湖陸氏下冊則雜係條辨之詞中多有精  
語名論可采

六藝考畧一卷

存

余靖撰粗釋六禮六樂五射五御六書九數名義以教初學

忠孝堂古文一冊 存

余靖撰靖少從其族父昭學長與登封鄭貴游深有得於宋儒之學其文醇懿樸實亦與南宋及有明諸儒者爲近

帝王世系考三卷 存

王作銘撰作銘字警盤州學生工文有學行其書始三皇暨明代述其梗槩以便初學其卷首自言有條例八則今未見字義詳考二冊不分卷數 存

王作銘撰取字之通於俗用者而稍釋之

詩韻審異一冊不分卷數 存

王作銘撰取韻之稍僻者而詁解之

禹州志

卷之十六

經籍志

二十五

經書聯珠字解一卷 存

王作銘撰取四子書詩書易禮及老子莊子素書中雙字及四字成句者類聚爲一編按爾雅釋訓篇述重語皆爲形容之詞至舉其文義有同異其子子孫孫以下三十二句敷繹詩義協於古音所以具訓於蒙士此編所采雖未能賅備姑取爲初學先導焉

金石 附

按金石之著錄舊矣至近賢輯志所載尤夥夫考古蹟蒐軼事廣異聞究書法誠不可謂無補然而專殘守缺堅執已是甚且以片文隻義而改正史所大書夫當時刊勒之徒豈皆

心通著述而顧以爲不朽之盛事因其一二端之可取而謂金石流傳皆有裨於正史此亦不可謂非通人之一蔽也要其善者則誠不可廢已禹自昔爲名都所有碑碣當不少而今存者無幾豈其戰爭兵燹大半摧滅與抑官其地與生斯土者均不甚愛惜與今既不暇蒐訪又短少不能成卷故姑以附經籍志後云

逍遙山漢中郎將摩厓碑 此禹州金石之祖今不存

陽翟縣侯褚亮碑 八分書無年月拓本半缺 顧炎武金石文字記

唐華梵字佛頂尊勝陀羅尼經幢 孫氏 九同 考志記見云在

州鎮定里二甲元墓莊火龍廟中或云唐褚遂良書此其上半

禹州志

卷之十六

經籍志

二十六

其下半在許州按畢氏 沅 中州金石記許州陀羅尼經幢係咸

通六年旣與遂良不相逮及自許搨至其文八幅完善較禹刻字畧小末幅有皇統七年馮長寧立石一行行甚長其中多剝蝕不可全讀禹碑亦有此一行至始平縣開字下止考皇統爲金熙宗亶年號凡九年而碑文字皆同當是一時所刻碑空處又題云碑在石堦南小功廟嘉慶二十四年六月知許州事甘揚聲移置州城之關帝廟與禹爲二物惟同建於金皇統時孫氏所云當時未及詳考耳

善才寺觀音院記 宋淳化元年五月立楊 撰梁文素行書

並篆額在州城內天寧寺今現存畢氏中州金石記云碑文漫



滅不可讀蓋述寺僧從軌興修之事楊君時爲宣補鎮遏使亦見於碑按今方志無善才寺則寺廢久矣

天寧寺中復有宋仁宗御書天竺唵斛但囉字碣今不存

陽翟縣主簿李公碑 金明昌元年九月王瑞京撰梁安書錢大

昕天一閣碑日

陽翟縣監縣明格公去思碑 元至元五年六月李禎書全上

鈞州廟學記 元至德元年十月陳天祥撰張孔孫書全上

陽翟馮氏先塋碑 元延祐元年三月趙孟頫撰訓書全上

鈞州學復田記 元至元五年五月吳庭實撰郭秉鈞書全上按學

記不見青陽集

禹州志

卷之十六

經籍志

二十七

鈞州長春觀碑 元至正九年九月劉信撰鄭棟書全上

元禹州吏目竇信碣 在州北六里舊志

城東南隅大鐘 孫氏九同考志記見云年月不可辨字亦糝

糊但存宋丞相太師韓國忠懷蔡公勝因崇德禪十六字今在

丹山書院東舊志以爲蔡齊非是齊諡文忠非忠懷按宋史蔡

確傳於哲宗紹聖二年贈太師諡忠懷其人品至下與章惇蔡

京爲類京莆州仙游人確泉州晉江人皆閩產人第知京卞兄

弟之姦不知確之姦與京卞無異此鐘之作當由其黨類爲之

鐘而存鐘之幸確之不幸也